

Edifizis da represchentaziun

Edifizis da represchentaziun profans èn tut quels edifizis ch'èn vegnids bajegiads per scopos profans e che mussan simbolicamain en differents furmas il status social extraordinari d'ina persuna, d'ina famiglia u d'ina communidad.

En il Grischun è s'annunziada pauc sunter che la classa dominanta dal temp feudal è svanida a la fin dal temp medieval ina nova classa superiura structurada en famiglias e schlattainas. Quella è sa recrutada d'antieruras schlattainas ministerialas sco ils Salis ed ils Planta, da famiglias ambiziusas da derivanza purila sco ils Albertini, Buol, Capol u Sprecher sco er da singuls represchentants da famiglias burgaisas urbanas sco ils Schmid von Grüneck.¹

Cun ina chasa d'abitar represchentativa pudevan ins mussar en moda pregnantia il status social cuntanschi tras possess funsil, activitad d'uffizi, commerzi, transit da rauba sco er servetsch mercenar. Al cumenzament èn ils domicils aristocratici che vegnan designads da qua d'envi sco «chasas signurilas»² s'orientads a las tradiziuns e tipologias da bajegiar autoctonas existents en las regiuns, dentant cun dapli atenziun a l'estetica ed adattads a las novas pretensiuns (Poeschel).³ A partir da la segunda mesadad dal 17. tschientaner èn daventads en las valladas dal

nord edifizis cun in suler central cun locals situads da tuttas duas varts il schema dal plan orizontal preferì, entant ch'ìls edifizis signurils da l'Engiadina èn restads anc fin ditg en il 18. tschientaner tar il tip puril cun la traversada da la chasa. E quai schizunt là, nua ch'els èn – sco l'onni 1642 la Chasa Planta ad Ardez – creschids vers ensi u s'extendids – sco a partir da l'onni 1588 la Chesa Planta ed enturn l'onni 1725 la Chesa Poul a Zuoz – a complexs d'edifizis imposants.

Caracteristic per las chasas d'abitar da l'aristocrazia grischuna è la vasta derasaziun sur tut il territori da la Republica da las Trais Lias, quai che ha da far en emprima lingia cun la furmaziun decentrala dal stadi. **10.01** En baininqual lieu mussan las chasas d'abitar da la medema famiglia unidas ad in complex u repartidas sur l'abitadi lur primat local incontestà. A maun dals palazzi dals Salis a Soglio e da las chasas Sprecher a Luzein sa lascha quest aspect demonstrar spezialmain bain.⁴ Per la tscherna dal domicil han giugà ina rolla tant ponderaziuns economicas, ponderaziuns pertutgant il traffic sin via sco er aspects climaticis e topografics. Quai mussa la concentrasiun d'edifizis da represchentaziun en cuntradas climaticamain preferidas sco il Signuradi e la Tumleastga.⁵ Il transit da rauba e la gastronomia eran d'impurtanza centrala per ils Albertini u per ils Schorsch a La Punt ed a Spleia.⁶ **10.06**

Entaifer l'effectiv dals edifizis conservads furman ils edifizis da represchentaziun erigids il 16. tschientaner ina gruppa relativamain pitschna. Unicamain a Cuira sa chattan pliras chasas urbanas represchentativas cun in mobigliament en il stil da la gotica tardiva e da la renaschientscha, numnadamain la chasa Planaterra (1533), la chasa «zum Raben» (1584) u la chasa Menhardt (1575). En l'ulteriur territori dattan singuls edifizis sco la Chesa Gregori a Zuoz (1551), la Casa Guberto a Soglio (1574) **10.07**, il «Schlössli» a Parpan (a partir dal 1591) u la Tgeasa Capol ad Andeer

10.06
Las chasas da la famiglia von Schorsch e von Albertini en il vitg sura da Spleia, 1990
Dapi la reconstrucziun dal vitg sunter l'incendi desastrus da l'onni 1716 dattan las chasas d'abitar da la famiglia von Schorsch la tempral maletg dal lieu. En il center la chasa d'abitar dal Cummissari Christoffel von Schorsch, erigida tranter ils onns 1717 e 1719, che dominescha il lieu da punt. Per il portal-chasa da crap maiestus vi dal risalit central èn vegnids duvrads er tocs da marmel dal Pass dal Spleia.




10.07
Casa Guberto, Soglio: stiva tavlegiada dal 1574 en il stil dal manierissem
Entant che las fatschadas dals edifizis signurils renunzian fin ca. l'onni 1700 per gronda part ad elements structurants e restan savens anc fidaivlas a l'idea da la gotica tardiva, mussan ils interius, en spezial pervia da lur construcziun cun tavlegiadas predestinadas per structuraziuns, ina cumposiziun architettonica en la lingua da las furmas dal stil predominant da quell'epoca.



10.01
Repartiziun geografica da las chasas d'abitar represchentativas, 1524–1799
La vasta derasaziun da las chasas signurilas, ch'eran adina domicils permanents, è resultada oravant tut da la structura politica dal stadi. Tras quai che las famiglias sa segiravan il 16. tschientaner lur posiziuns da pussanza localas u preudevàn domicil en ulteriusas vischnancas giudizialas, s'avrivan per ellas las portas per occupar uffizis politics. En la Valtellina possedeve mo la famiglia von Salis domicils (Tirano, Chiavenna e Sondrio).


■ 16. tschientaner
■ 17. tschientaner
■ 18. tschientaner




10.02
Activitad da bajegiar tenor famiglias, 1500–1800
La grafica mussa la posiziun extraordinaria da la famiglia fitg sparpagliada von Salis che n'ha betg mo laschè eriger en il Grischun lunschor ils pli blers edifizis, ma er ils pli pumpos, tranter quels plirs chastels e palazzi. Cumpareglia cun quai para il cumportament da bajegiar dals Planta, che avevan er gronda influenza, e da las schlattainas che tutgavan tar il «circuit intern» da l'aristocrazia grischuna (Sprecher, Capol, Albertini, Schmid von Grüneck, Buol) directamain moderà.

Dumber dals edifizis da represchentaziun per famiglia

■ 16. tschientaner
■ 17. tschientaner
■ 18. tschientaner



10.03
Activitad da bajegiar tenor perioda, 1500–1800
Sunter avair evaluà ils edifizis profans menziunads en ils toms davart chasas burgaisas e monuments d'art da Poeschel è evidentia la culminaziun dal moviment da construcziun durant l'ultim quart dal 17. tsch. Considerond tut il 17. tschientaner sa mussan però er differenzas regiunalas. Uschia èn per exempel vegnidas bajegiadas en l'Engiadina Bassa la pli gronda part da las chasas signurilas l'emprima mesadad dal tschientaner.



10 (1599) perditga dal plaschair da construir che sa dasda (Poeschel) en ils circuls da l'aristocrazia durant la segunda mesadad dal tschientaner.⁷

Areguard la bellezza stattan ils edifizis numnads però clermain davos il chastè da Haldenstein renovà l'onn 1544 dal diplomat milanais Jean Jacques de Castion. Cumpareglià cun ils palazzi e las villas da la noblezza valtellinaisa èn els en general pli moderads.

Pir il 17. tschientaner ha cumenzà ina viva activitad da bajegiar en tut las parts da la Republica da las Trais Lias ch'è sa concentrada en il Grischun dal Nord en l'ultim terz dal tschientaner, la quala è stada accompagnada d'in cler augment da la qualitad quai che reguarda ils fatgs da construcziun.⁸ 10.03 Palazz pumpus sco la chasa Buol a Cuira, oz il Museum retic (enturn il 1675), la Casa Gronda dals Schmid von Grüneck a Glion (1677), il «Schlössli» dal Gaudenz de Capol a Flem (1682) e las chasas Planta a Malans (a partir dal 1684) engrazian lur origin a questa unda da bajegiar barocca. 10.08 Cun bajegiar il «Unteres Schloss» a Zizers sco er cun renovar il chastè da Seewis (1690) ad in dals edifizis signurils ils pli bels en il Grischun (Sererhard⁹) ha la famiglia von Salis demonstrà sia posiziun dominante entaifer l'aristocrazia grischuna. 10.02

Entant ch'i po vegnir remartgà in ferm regress da l'activitad da bajegiar tar las famiglias Albertini, Buol, Capol, Planta, Schmid e Sprecher il 18. tschientaner, han ils Salis realisà vinavant novs edifizis e midà edifizis che tutgan areguard la qualitad da l'art architectonic tar las prestaziuns las pli impurtantas dals edifizis profans en il chantun. Sper il «Altes Gebäu» (1727) a la Via da la Posta a Cuira ► 33.08, cun in parc che la gliעד da quella giada admirava fitg, ed il «Neues Gebäu» (1752) a la Piazza da la Regenza da pli tard pon vegnir numnads ils engrondiments dals «palazzi» a la residenza originara a Soglio (a partir dal 1701), l'amplificaziun dal chastè Bothmar a Malans (1739) ed oravant tut la construcziun dal nov Palazzo a Bondo (a partir dal 1766).

Caracteristic per ils edifizis da represchentaziun dal 18. tschientaner è il fatg ch'els cumenzan a s'orientar ad exempels internaziunals. Quella orientaziun vegn cuntinuada il 19. tschientaner en las villas ed ils palazzi da la burgaisia. Sche la «chasa engiadinaisa» era fin ussa per gronda part resistent cunter influenzas estras, è quai sa midà cun l'import da novas

furmas architectonicas. Ils cafetiers e pastiziers che han fatg lur fortuna en las citads da l'Europa e ch'èn returnads a chasa en il Grischun han midà ils maletgs dals vitgs duraivlamain. Quai sa lascha mussar bain vi da l'exempel da Poschiavo. Sper las renovaziuns impurtantas en il «Borgo» è vegnida erigida a l'ur dal sid dal vitg la lingia dals «palazzi» – remartgabl dal punct da vista da l'architectura urbana – en in stil dal classicissem istoristic tardiv. 10.04 Il podestat da pli tard Tomaso Lardelli aveva inizià l'abitadi planisà gia l'onn 1853. La furma finala ha el survegnì da l'architect da Vicenza, Giovanni Sottovia, sia realisaziun è vegnida prendida per mauns a partir da l'onn 1857.¹⁰ 10.09

Il 19. tschientaner hai er dà a Cuira midadas marcantas dal maletg da la citad. Cun l'extensiuun successiva da la Grabenstrasse al «boulevard» 10.10 represchentativ è vegnì fatg il pass impurtant per l'engrondiment da la citad che ha survegnì in ulteriur stausch cun la construcziun da la staziun (1858) sin las «Sagen Wiesen».¹¹ A la Grabenstrasse ed a la Via da la Staziun èn vegnids erigids – ultra da las chasas privatas represchentativas Villa Brunnengarten (1848) e Villa Planta (1874) – adina pli savens er edifizis da represchentaziun publics, tranter quels l'edifizis da stadi e da banca, l'anteriura Banca retica, la Banca Chantunala Grischuna, l'edifizis administrativ da la Viafier retica e l'anteriura Posta principala. En els sa manifestescha la nova conscienza da sazez dal stadi federal, dal chantun, da la citad e d'interpresas impurtantas per il stadi. 10.05

10.08

«Schlössli» a Flem, bajegià l'onn 1682 per Johann Gaudenz de Capol ed Amalie von Schorsch

Caracteristic per la 2. mesadad dal 17. tsch. èn en il Grischun dal Nord l'edifizis cubic ed il plan orizzontal cun corridors centrals sin plirs plauns. Cun agiuntar ina tur – saja quai sco tur da la stgala u mintgatant mo sco element structurant – è bainiquala chasa signurila s'elavada ad in «Schlössli».



10.09

Palazzi a Poschiavo

Tomaso Lardelli e Giovanni Sottovia han concepì chasas d'abitat per persunas returnadas a partir da l'onn 1857. Ils edifizis d'abitat sumegliants ad ina villa ed orientads vers sid han davantart in iert e davosart ina part d'economia separada da la chasa d'abitat. Uschia è vegnì tegnì quint dals novs basegns burgais areguard l'igièna e l'illuminaziun da las localitads.



10.10

Cuira, Piazza da la Posta cun Banca chantunala ed edifizis da la Posta

Visavi l'edifizis da la Posta, bajegià ils onns 1902–1904 en il stil da la neorenaschientscha, è vegnida erigida ils onns 1910/11 la Banca Chantunala Grischuna en ina concepziun sapientivamain cuntrastanta. Entant che l'edifizis da la Posta vegniva percepi plitgusch sco ester e vanaglorius, èn la Banca chantunala e l'edifizis da l'administraziun da la Viafier retica a la Via da la Staziun sa svilupps ad in simbol da la nova architectura grischuna.




- 1 Färber 2000, p. 116–118.
- 2 Seifert-Uherkovich/Hitz 2008, p. 125–126.
- 3 Poeschel KDM I, 1937, p. 174; Seifert-Uherkovich 2008, p. 146.
- 4 Poeschel KDM I, 1937, p. 244.
- 5 Färber 1994, p. 216.
- 6 Mathieu 1988, p. 65–88.
- 7 Poeschel KDM I, 1937, p. 175.
- 8 Poeschel 1924, p. XVIII ed il medem 1937, p. 244.
- 9 Sererhard 1944, p. 197.
- 10 Obrist, Semadeni, Giovanoli 1990, p. 175ss.
- 11 Fuchs 2011, p. 60.

10.04

Construcziun d'abitaziuns privatas represchentativas a Poschiavo, 1800–1920

Las famiglias d'emigrants ch'èn returnadas n'han betg mo construi ils edifizis novs enconuschents a la Via di Palazz, mabain han adattà a las novas pretensiuns numerusas chasas d'abitat pli veglias en il «Borgo». En quest connex han ins dà atenziun speziala a l'apparientscha exteriura represchentativa. Uschia sa zuppa per exempel davos la fatschada represchentativa dal Palazzo Matossi-Lendi a la Via di Puntunai (nr. 9) la struttura da l'edifizis precedent puril.



- 1 Casa Maery
- 2 Casa Oligiati
- 3 Casa Consule
- 4 Casa Oligiati
- 5 Casa Mini
- 6 Palazzo Conzetti
- 7 Casa Semadeni
- 8 Casa Fanconi
- 9 Palazzo Matossi-Lendi (Via di Palazz 102)
- 11 Casa Matossi
- 12 Devon House
- 13 Casa Mini
- 14 (Via di Palazz 110)
- 15 Casa Lardelli
- 16 (Via di Palazz 111)
- 17 Casa Giovanni Matossi


- 1800–1824
- 1825–1849
- 1850–1874
- 1875–1899
- 1900–1920

◆ reconstrucziun

10.05

Edifizis da represchentaziun publics selezziunads a Cuira, 1800–2020

En la chapitala grischuna èn vegnids erigids differents edifizis novs a partir da la mesadad dal 19. tsch. che reflecteschan las pretensiuns da las instituziuns federalas, chantunales ed urbanas anc giuvnas. Dasperas èn er vegnidas adattadas chasas d'abitat pli baud privatas (Villa Planta, Villa Fontana, «Altes Gebäu») per collocar instituziuns publicas. Ils edifizis sa concentreschan per lung da la Grabenstrasse e da la Via da la Staziun.



- furmaziun
- cultura
- administraziun
- viafier/posta/banca
- militar
- sanadad
- temp liber

- 1 chasa da scola Nicolai 1812
- 2 edifizis dal Cussegl grond e teater da la citad 1863
- 3 edifizis statal e da banca (Uffizi da construcziun bassa) 1878
- 4 staziun, edifizis da recepziun 1878
- 5 caserna, piazza d'armas 1887
- 6 chasa da scola Graben 1891
- 7 clinica psichiatica Waldhaus 1892
- 8 Posta, biblioteca da la citad a partir dal 2018 1904
- 9 Archiv dal stadi e Biblioteca chantunala ant. Banca retica 1905
- 10 ant. Banca retica 1908
- 11 Banca Chantunala Grischuna 1911
- 12 administraziun da la Viafier retica 1912
- 13 chasa da scola Quader 1914
- 14 labor chant. e controlla da vidualias 1914
- 15 halla da martgà e da festa (Halla da la citad da Cuira) 1934
- 16 Ospital chantunal dal Grischun 1941
- 17 Posta 1954
- 18 chasa Cleric da la Scuola chantunala 1964
- 19 convict da la Scuola chantunala grischuna 1969
- 20 Scuola professiunala artisanala 1969
- 21 City Shop 1971
- 22 Scuola chantunala grischuna 1972
- 23 bogn cuvert e bogn avert Obere Au 1974
- 24 Museum da la natira dal Grischun 1984
- 25 staziun cuvrada da l'Auto da Posta 1992
- 26 Scuola auta specialisada dal Grischun 1993
- 27 chasa municipale / center da medias rumantschas 2005
- 28 center da compra City West 2011
- 29 edifizis nov dal Museum d'art dal Grischun 2016
- 30 center administrativ Sinergia 2020